

# INUIT ATAQATIGIIT

## Inatsisartuni



23. januar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka.

### **Naalakkersuisunut apeqqut:**

- 1. Qanga 1951'mi misileraanertut taallugu meeqqanut 22'inut Danmark'imut aallarunneqartunut tunngatillugu dansk'it naalakkersuisui pisortatigoortumik naalagaaffik sinnerlugu utoqqatsissagaluarpata, Naalakkersuisut tapersiissagaluarpat ?**
- 2. Naalakkersuisut nunarput sinnerlugu meeqqanik 22'nik inuttut misileraanermik taasamik pisimasumik akisussaaqataallutik nassuissagaluarpat ?**
- 3. Naalakkersuisut Nunarput sinnerlugu pisortatigoortumik meeqqanut misileraataasunut taamatuttaaq utoqqatsernissaq pissusissamisoorsorivaat ?**
- 4. Naalakkersuisut allamik paasissutissanik qulaani eqqartukkamut tunngatillugu iluatsillugu saqqummiussassanik peqarpat ?**

(Inatsisartunut ilaasortaq, Stine Egede, Inuit Ataqatigiit)

### **Tungavilersuut:**

Qanga 1951'mi meeqqat 22'it ilaquttaminnik inuttut misileraanertut taallugu avissaartinneqarput, Danmark'imullugu allartinneqarlutik. Taakkunani sulii inuusut pisortatigoortumik Dansk'it naalagaaffiannit utoqqatserfigineqarnissaminnik kissaateqarlutik nalanaarnikuupput, misileraanermi kinaassusermik oqaatitsigut ilaqtariinnikkullu sunniuteqarnikkuummat. Qanga Nunatsinni Landsråd'ip tamanna Dansk'it naalakkersuisuisa iliuseqarnerat tapersernikuua. Taamatut pisortatigoortumik utoqqatserneq Dansk'it naalakkersuisuinik pissagaluarpat, pissusissamisoorpoq paasissallugu ilumut Naalakkersuisut pisortatigoortumik utoqqatsissanersut, taamaattuttaaq qanoq annertutigisumik meeqqanut misileraasoqarnermut pisolooqataasimallutik nassuissanersut.

Apeqqutitta ullut suliffiusut qulit qaangiutsinnagit akineqarnissaat kissaatigaara.